



續廣達生編

卷之五目次

初誕救護

初生調燮

臍風論症

用火口訣

集成神火圖

集成神火歌

指明火穴

宜用火症論

切忌火症論

夏氏臍風論

夏氏臍風火圖

回生艾火

艾火圖

臍症諸方

臍症簡便方

初生護持

勿輕服藥論

小兒生鎖治法

小兒不乳治法

小兒胎黃胎怯治法

小兒顙門病症治法

小兒五遲五軟治法

小兒客忤治法

小兒中惡治法

救急神奇外治九法

外治簡便法

小兒初生稀痘法

附袁羽高小兒諸疾內服方

附袁羽高小兒諸疾外用方

續廣達生編卷之五

周登庸先生纂輯

小兒章

同志諸君子重梓

○初誕救護

小兒初生。或不能發聲。謂之夢生。多不知救。深爲可憫。切
勿斷臍帶。速用明火。將胞衣炙煖。使煖氣入兒腹。更以
熱湯盪洗臍帶。却取猫一隻。以布袋裹其頭足。使伶俐
婦人。拿住猫頭。向兒耳邊。以口嚙猫耳。猫必大叫一聲。
兒卽醒而開聲。方可剪斷臍帶。

又有因難產。冒風寒而生甚遲。兒氣欲絕。不能啼者。亦以

前法溫煖之。令煖氣入腹。氣回卽甦。更令父母之眞氣呵而接之。

凡斷臍帶。若產母分娩艱難。勞傷胎氣。多有兒雖脫胞而乏力垂危。或已死者。切不可便斷臍帶。當急用火紙撚蘸蘇油。於臍帶上往來燒斷之。取其陽氣以續胎元。俄頃得啼聲。卽活矣。不但爲回生起死之良法。且後日可免胃寒泄瀉之患。凡見此者。若以刀斷臍帶。則子母皆多難保矣。此出立齋醫案。

又云。凡燒帶之法。惟素多陽虛。及產時氣脫者。最宜用之。

藉以助陽氣。若母氣陽強。或兒聲洪亮者。皆不宜用。恐火從臍入。日後致生熱毒。則反爲受害不小。

一初生腎縮。乃受寒氣所致。用硫黃。吳茱萸。各三錢。研極細末。搗葱取自然汁。調塗臍腹。另以蛇床子。燒烟熏之。腎卽伸矣。

一悶臍生者。兒之糞門。有一膜悶住兒氣。故不能出聲。拍之則膜破而叫矣。

又有令輕巧婦人。以銀簪輕輕挑破爲甚便。或不能挑。急以暖衣緊包。勿令散放。以熱水浸其包衣。寒天則以火

灸之久則熱氣入腹而氣內鼓其膜自破聲自出。

一兒生下無穀道者乃肺熱閉於肛門急用金銀簪或玉簪看其端的刺穿之或以火針刺穿但不可過深刺後隨以油紙撚套住免其再合。

一兒生下遍身如魚脰或如水晶厥則流水用蜜它參研細末攪之。

一兒生下遍身無皮俱紅肉急以早米粉乾撲之候其皮生全則止。

一初生大小便不通腹脹危急者急令婦人口含熱水吮

兒之前後心並臍下手足心共七處。每一處吮吸七日。以肉色紅赤爲止。須臾卽通。

又一方用生葱搗爛取汁。人乳各半調勻。抹兒口中。須臾卽通。亦良法也。勿輕視。

一初生不尿。用葱一根切碎。人乳半杯同煎。去葱取乳。分作四次服。卽尿。

一初生不吮乳者。亦用上治不尿方服之。卽吮乳。



○初生調燮

一。小兒初生。飲食未開。胃氣未動。廓然清虛之府。宜乘此時。加意調燮。於兒未啼之時。令精巧婦女。輕指探兒口。挖去汚血。隨以甘草湯。用軟帛裹指蘸湯。拭去口中涎沫。然後看兒面色。若身面俱紅。唇舌紫赤。知其必有胎毒。每日用鹽茶。但不可大鹹。以帛蘸洗其口。去其粘涎。日須五六次。此法至神。至異。世所不知。蓋兒之胎毒。藏於脾胃。口中多有精涎。其馬牙。鵝口。重舌。木舌。皆從此起。每日洗拭。則毒隨涎去。病從何來。而且至簡至易。何

忽視而不爲。倘胎毒重。直須洗過週歲方得。此有毒者之調燮也。倘兒面唇淡紅。此爲胎寒。不可用茶。惟以淡薑湯拭口。每日一二次足矣。蓋薑能開胃。而且和中。最切於時用者。又有開口法。凡小兒初誕。宜以甘草細切少許。用沸湯泡汁。以淡爲妙。不宜太甜。仍用軟帛蘸汁。遍拭口中。去其穢濁。隨用胡桃肉。去皮嚼極爛。以稀絹或薄紗包如小枣。納兒口中。使吮其汁。非獨和中。且能養臟。最佳法也。至於古方之用黃連。大黃。硃砂。輕粉。開口之法。此時斷不可用。今時稟受。十有九虛。苦寒剋削。

最不宜用。况嬰兒初誕。如蟄虫出戶。草木萌芽。卒遇暴
雪嚴霜。未有不爲其殛折者。以苦寒而入初誕之口。亦
若是也。每見三朝七日。必有肚疼嘔乳泄瀉夜啼之症。
是皆苦寒傷胃之害。其孰能知之。

或曰。子言苦寒不可用於初誕之口。何以後之沆瀣丹。
及瀉青丸。有三黃及大黃。得無矛盾乎。曰。彼胎毒已現。
外症可憑。有病病當。何大黃之足畏。今初誕開口未辨。
毒之有無。卽令有毒。尙然未發。深藏潛伏。聲臭俱泯。以
苦寒而開口。是無病生出。有病毒發。而畏苦寒。是有暴

不除鄉原之仁烏乎可也

○臍風論症

臍爲百風總竅。五臟寒門。道家謂之下丹田。爲人身之命蒂。兒在胎時。口鼻未通呼吸。惟臍間真息。隨母之呼吸。爲呼吸及其下地。囟底一聲。氣通口鼻。而胎元之一息。不復爲用矣。遂寄於臍內一寸三分中。虛一穴。左青右白。上赤下黑。中央黃色。八脉九竅。經緯聯絡。爲真息往來之路。坎離交會之鄉。凡修鍊仙胎。皆從此處立基。所以謂之命蒂。故小兒初生。惟臍之干係最重。斷臍之時。不可不慎。或剪臍太短。或結束不緊。致外風侵於臍中。

或浴兒時牽動臍帶。水入生瘡。客風乘虛而入。內傷於腎。腎傳肝。肝傳心。心傳脾。脾傳肺。蘊蓄其毒。發爲臍風。其症面赤啼叫者。心病。手足微搐者。肝病。唇青口撮。痰涎壅塞者。脾病。牙關緊急者。腎病。啼哭不止者。肺病。五臟之症。略見一二者。猶可治。悉見者不治。

小兒初生。惟臍風爲惡候。其症有三。曰臍風。曰噤口。曰鎖肚。雖皆臍症。而寒熱自別。治者宜詳。

一曰臍風。由斷臍後。爲水濕風寒所乘。入於臍而流於心。脾。令肚腹脹滿。吮乳口鬆。多啼不乳。此初起之時。速用